

Ausz Krautern vnd vergleichen

loch in die Erden / das loch muß so groß vnd tieff in der Erden sein ; daß der unterste Kolb geraumb darinnen siehen kann / vnd wenn du ihn mit der Erden wider zudeckest / daß man gar nichts von dem untersten Kolben / auch von den fugen / da sie sich in einander schließen / sehen kan / bedecke vnd verscharre den untersten Kolben mit der Erden ganz vnd gar / also daß man nur den obersten Kolben allein sihet / vnd trucke die Erde mit der handt seiu geh

heb vnd fest an den untersten Kolben / den lege vmb den obersten Kolben einer halben Elen breyt das von todte Kolen / vnd zündē sie an / laß das Eitckel oder rundt Kolfewer gemacht sam angehen / vnd alle zwei slunden schiebe das Kolfewer vmb vnd vmbher dem Kolben näher / bis du leblichen all das kolfewer vmbher hart an den kolben bringest / dann bedecke den kolben ganz vnd gar mit kolfewer / daß er glüe / wie ein gliederde kelen / vnd laß ihn also vier stundt in solcher grosser hitz vnd glut / laß das kolfewer vmb ihn selber abgehen / vnd alles von ihm selber erkalten / grab den kolben aus der Erden / weiche den Laimen auf den fugen mit einem nassen tuch abe / hebe den obersten kolben von dem untersten / so wirstu im untersten kolben ein öhl vnd wasser von holz stüden / das wirdt nach dem brandt riechen / thue es in einen kolben / einen andern kolben darauff / die fugen mit rindern Blasen wol gehet ver macht / setze es in Balneum Mariæ / laß es in linder wärme vier wochen stehen / mach es auff / geuf es in ein kolben / einen Helm darauff / vnd Distillir es alles herüber / so bekommstu ein schön Wasser / vnd ein schön öhle / da es aber noch brunfelt / vnd ein wenig nach dem Brandt reucht / so mußtu es noch ein mal neun tag in Balneum Mariæ setzen / und es dann wider / wie jzt angezeigt / Distillirn. Also kanstu auf Bachholderbeer / Rosmarinhols / Cypressenhols / vnd auf allem andern Holz / so du nur begerest / ein öhl haben vnd Distillirn / vnd diese Distillation ist Distillatio per descensum.

Kolfewer.

Gerechtigung
dieses öhls.

Wie

